

達真子曰失大道而由小徑者以事務比之則如朝甚除而日用田甚蕪而荒塞倉甚虛其畜積而反服文采帶利劍厭飲食以爲資財有餘是不務修其本而反矜施其末也

### 善建不拔章第五十四

善建者不拔善抱者不脫子孫以祭祀不輟

御註曰建中以該上下故不拔抱一以應萬變故不脫建中而不外乎道抱一而不離於精若是者豈特行一國與當年蓋將及天下與來世其傳也遠矣

涑水司馬光曰不拔者深根固蒂不可動搖不脫者民心懷服不可傾奪不輟者享祚久長

### 道藏輯要

道德真經  
彭鶴林集註

堯

心集七  
八〇上

穎濱蘇轍曰世豈有建而不拔抱而不脫者乎惟聖人知性之真審物之妄捐物而修身其德充積實無所立而其建有不可拔者實無所執而其抱有不可脫者故至其子孫猶以祭祀不輟也

臨川王安石曰善建者德建也能德建則不拔矣善抱者抱一也抱一而不離則不脫矣能建德抱一則德之盛故盛德百世祭祀祭祀者見於愈遠而不忘故曰子孫祭祀不輟陸佃曰善閉無關鍵而不可開故曰善建者不拔善結無繩約而不可解故曰善抱者不脫

道真仁靜先生曹道沖曰深根固蒂是謂善建抱本守真是

謂不脫先利於身次及於物又以正直清廉仁愛之道遺於後世故慶及子孫積德繼美祭祀不絕矣

葉夢得曰出而有立故謂之建入而有守故謂之抱出者有本故不可拔入者有常故不可脫夫如是則立者雖遠而愈長守者雖近而愈久譬之於己非特及其身而已垂之子孫祭祀不輟其事我者無時而可亡也

黃茂材曰夫道獨立而不改以是而建則爲善建故不拔載營魄抱一能無離乎以是而抱則爲善抱故不脫不拔不脫非特可持當年雖傳後世可也故曰子孫以祭祀不輟

修之身其德乃真修之家其德乃餘修之鄉其德乃長修之國

道藏輯要

道德真經  
彭鶴林集註

百  
心集七  
六一六

其德乃豐修之天下其德乃普

御註曰修之身其德乃真所謂道之真以治身也修之家其德乃餘修之鄉其德乃長所謂其緒餘以治人也修之國其德乃豐修之天下其德乃普所謂其土苴以治天下國家也其修彌遠其德彌廣在我者皆其真也在彼者特其末耳故餘而後長豐而後普於道爲外

碧虛子陳景元曰此五者近修諸身而遠及天下也夫修道於身者心閑性淡愛氣養神少私寡欲益壽延年諸僞咸盡乃爲真人矣

涑水司馬光曰皆循本以治末由近以及遠



王雱曰因修身之法而推之以及其外餘而後長長而後豐  
豐而後普

道真仁靜先生曹道沖曰以道修身則神真行正身正而天  
下化况以之治家信有餘矣施於鄉而一鄉化矣施於一國  
其國盛矣始自一身遍及四海

達真子曰真則不偽餘則不欠踰於眾則曰長足於眾則曰  
豐徧於眾則曰普凡得於道之謂德自一身以至一家自一  
家以至一鄉自一鄉以至一國自一國以至天下以道爲治  
則無乎不善矣

故以身觀身以家觀家以鄉觀鄉以國觀國以天下觀天下吾

道藏輯要

道德真經  
彭鶴林集註

三

心集七

何以知天下之然哉以此

碧虛子陳景元曰觀者照察也故以先聖治身之道反觀吾  
身心若吾身心能體於道則其德乃真矣老氏言我奚以知  
天下之民響道者昌背道者亡之然哉者設問之辭也答曰  
我以此上之所陳五事反觀照察所以知之經曰不出戶知  
天下易曰觀我生觀民也其是之謂乎

頴濱蘇轍曰天地外者世俗所不見矣然其理可推而知也  
修身之至以身觀身以家觀家以鄉觀鄉以國觀國皆吾之  
所及知也然安知聖人以天下觀天下不若吾之以身觀身  
乎豈身可以身觀而天下獨不可以天下觀乎故曰吾何以

知天下之然哉以此言亦以身知之耳

臨川王安石曰身有身之道故以身觀身家有家之道故以家觀家以至於鄉國天下吾何以知天下之然哉以此者蓋以此道觀之也言以此者此則同於道彼則異於道同則取之異則去之

道真仁靜先生曹道冲曰察身之損益邪正則知眾人矣察家之逆順盛衰則知他之家矣自一鄉之小至天下之大小則殊其治一也何以知天下之然以用此道而知矣

陳象古曰見治身之道則知治己之身見治家之道則知治己之家見治鄉之道則知治己之鄉見治國之道則知治己

道藏輯要

道德真經  
彭鶴林集註

重

心集七

之國見治天下之道則知治己之天下不拔不脫由此可明矣以此者蓋用此觀身觀家觀鄉觀國觀天下之道矣

黃茂材曰雖其大小遠近之有不同而其爲德未始或異故以吾一身而觀眾身以吾一家而觀眾家以吾一鄉而觀眾鄉以吾一國而觀眾國以吾一天下而觀眾天下皆可以知之或問以吾一天下而觀眾天下何也湯問於夏革曰四海之外奚有曰猶齊州也朕東行至營人民猶是也問營之東復猶營也西行至幽人民猶是也問幽之西復猶幽也朕以是知四海四荒四極之不異是也以天下觀天下捨夏革其誰知之



程大昌曰吾何以知天下之然而自指其要領在此者以真爲斷也

### 含德之厚章第五十五

含德之厚比於赤子

御註曰孟子曰大人不失赤子之心

碧虛子陳景元曰含懷也夫至人純粹懷德深厚情復於性澹泊無欲狀貌兀然比於赤子也赤子者取其始生其色赤純和之至也

顏濱蘇轍曰老子之言道德每以嬰兒况之者皆言其體而已未及其用也今夫嬰兒泊然無欲其體之者至矣然而物

道藏輯要

道德真經

三

心集七

來而不知應故未可以言用也

臨川王安石曰赤子者天守全而陽不散故含德之厚比於赤子

陸佃曰知其雄守其雌爲天下谿爲天下谿常德不離復歸於嬰兒此卽所謂含德之厚比於赤子也

道真仁靜先生曹道冲曰含者抱也心不偷薄其德乃厚赤子謂嬰兒也天純未散外無所營積和在中復如赤子

葉夢得曰老子旣以嬰兒論道矣於此含德之厚復比之赤子嬰兒其未孩者也所保者氣而已故道似之赤子則旣孩矣而未有知也故德似之